

聖宋名賢五百家播芳大全文粹

三十

請疏

住持

請駢老住惠安疏

翁起予

臨濟一喝響音似雷奔黃龍三關峻如壁立云居祐老僅會放簾捲簾范率悅公頗知我手佛手張无尽未免攙行奪市嘗真如大似借水獻花雖云自有家風不出這般窠臼公案見在宗派分明湏求末後老成掃蕩從前陳迹駢公長老以无尋辯得最上乘蚤傳踈山之衣人云跨竈頃坐衡嶽之頂誰敢當鋒四馳踏殺天下人一口汲尽西江水真个光昭先竟可謂不忝後昆念憑川之要津有惠安之古刹鍾魚不振猊象久虛敢屈高蹤來臨法座別傳新令要教祖佛點頭一洗前塵便使雲山改色勉從敬請幸勿固辭

請仁老住教院疏

孫仲益

如來超最上乘初无言說佛子墮无始劫久住輪回閱諸一切有

千一五

情當為衆生說法某人讀書悟斷輪之妙談空契投芥之機面壁九年已忘言語道彈指千偈尤現句文身指彼岸之津梁示羣迷之領袖墻壁瓦礫皆具法音龍天鬼神遍作花雨

請六祖禪師住中和疏

黃魯直

鍾魚鼓板癡禪尽飽而六祖飢卧具床敷濁禪尽温而六祖冷使道人如此失所擅越何處用心敢為諸仁略開少分相逢展手不妨貧女一錢隨喜轉頭報在龍華三會

請觀音禪師疏

陳無已

出處有緣相時而動去来无意以衆為心某公禪師行歷諸方歸安一榻湛如止水衆至則形般若震雷物待而發推此東刹今號左禪乃古宿之道場而昔賢之施會異人間出衆志大同續圓通之法燈成先佛之遠記法施務廣當衆建而共持祖道大行復一枝之旁出

請觀音禪師疏

知者不說語言所以爲人德必有能住持乃其餘事某公禪師言未發口而達者知其有道功未先事而談者知其有才信淵默而雷聲由孝友而成政碩茲勝地宜得異人祖令當行正須無說羣能効力不假有爲願効至情同伸勸請

請觀音禪師疏

陳无已

世當末法方葱嶺之西歸地則左禪乃福城之東際人天合力緣法同時某公禪師徧歷五宗頓開千眼著衣喫飯肯茶僞山之禪得髓与皮不落少林之句十年面壁未遇知音千里同風是歸作者无缘處說法有佛處稱尊勉徇衆心以成本願

請悟師住文頂疏

楊祐甫

諸行无常推禪爲第一義精義无二故佛說最上乘是法亡等級之差吾儕有根性之別其解脫者頓悟刹那之頃彼沉迷者輪迴億劫之多式賴正知爲了大事茲佛所囑非師而誰伏惟長老和尚揔持多心遊戲衆妙大珠瑩於濁惡慧劍倚於虛空諸聖經行

方之八

二

无空過者大衆瞻仰决非偶然二而時有適來緣不接合浮盃湘水起无住心還錫蜀門現大悲性過故山而耆舊膜拜入吾室而龍象歡顏諒佛衣之有歸捨王城而爲往廼率四輩同啓一心敬奉懇誠諦聽開諾伏望闢正覺路闡方便門濟渡斯人俱到彼岸

請解空長老住江心疏

第一義諦本來元自分明不二法門了然也无多子故曹溪分派於滴水而少林續燄於枝灯見性求心大如佛作祖傳衣付鉢要須及子及孫能益振於宗風庶有光於道價眷此中川之勝巒爲東制之雄兩峯屹壘霧之中万瓦出云濤之上見成底好个公案近新來却立話頭地勝人几唱高和寡潮音復振豈惟竦聽於魚龍佛事增修要使斬新於鍾鼓欲奉斯事元屬當人共推某人天下大禪衆中尊宿脚跟步二點地鼻孔处二遼天喝下承當妙得云蓋之骨髓捧頭爲取別開臨祭之眉毛真叢林一角之麟實法窟九苞之鳳願迂楊杖來坐道場禪門何憚於去來道眼寧分於彼

此三十年後信天竺此話盛行八千歲中祝南山之壽難老

請圓照禪師疏

東坡

竊以大道無爲入之必假聞見一毫頓悟得之乃離聰明爲自在門真無礙法天降一雨徧浹羣生佛無二門併歸真諦共推本師長老脫離常見灑落孤風其爲已也如月行空無跡可踐其爲人也如金入範隨住皆真既不滯於一方豈肯違於衆欲而况淨慈古刹錢氏福田代不乏傳人所信嚮閱於善俗久蘄真馭以來臨惻隱慈心願順羣誠之再請

再請震老疏

劉中遠

橫海鱸鯨寧大蟻制羣膏鴻鵠非復燕知在靈府以長閑於贅疣而奚問白水長老一提佛印九坐道場云眇二以无心水洄二而不競澄之不清而撓之不濁飄然而去則翻然而來復歸我眉洞天爲說普賢樓閣大衆渴仰重說偈言象駕崢嶸但進途誰信蟾螂能拒轍

方六十八

三

請然老住東林疏

三世諸佛夢中說夢人鮮知音六代祖師頭上安頭誰能領話家
家顯露箇二圓明須煩本分衲僧直指現前佛性然公長老慈覺印之嫡子雪竇雅之親孫十住大叢林硬着脊梁擔荷徧驗老尊宿怕它鼻孔喝斜一領布衫重七斤何人定價踏着秤槌硬似鐵惟己自知着此東林夙稱名刹久矣鍾魚不響幾乎泉石无光龐居士夙契丹霞裴相國能招黃檗蓮社從今執開廬山喜有歸投願憑宝灶一瓣之香上祝聖君万年之壽既解乘杯渡水展赴請神通何妨滿座雨花教大家讚歎

請悟老住徑山疏

三獸渡河誰是上根之佛種一牛吼地親逢具眼之宗師適當叢林禁足之辰言閔竹乾出世之法共惟某人迅雷轉於舌本生鐵豎作脊梁挈云門墜地之綱爲月印得髓之子垢衣及脫疑網頓除綜貫三乘縱橫五位曇花初開於汝水衲子云臻毒龍再擊於

徑山天覺腦裂偶憶武夷之煙月暫聽妙濟之松風不忘疇昔半
面之知是為方便不請之友如來心印故非一已可私力士額珠
要為眾人點出香花鬘畫幡蓋圍春願揚无上之深嚴廣作有情
之饒益祝南山萬歲之壽後天永御於龍圖續西土四七之燈大
事增光於鷲嶺毋勞固讓便請惠然

請文老住支提疏

高山流水慕劉相逢便是知音啼鳥野花取次拈來着个轉語不
使熱瞞伎倆直饒勘破話頭允屬當人獨判公案共推某人裨
機電擊道眼鏡懸与麻光熾二恰是一佛出世自然露操二不
与万法為鄰无惜老漢眉毛發明祖師心髓打透關棧把定鉗鎚
言下薦來自是本色衲僧事棒頭悟去辦得徹底老婆心无門无
善才有地有弥勒願登獅子座便駕象主車不妨直下承當要證
向上巴鼻

請永長老住西禪疏

曾子文

見閃覺知中踏翻世界尤是滯殼迷封文字語言中打破虚空未
為孤吟絕唱若也撥轉祖師上頭關棧須是烹煉佛祖本分鈴鎚
一劒當頭大地結舌某人大根大器徹髓徹心世尊良久處剔開
眼睛弥勒未生時摸着鼻孔妙喜有分贊嘆懶庵不敢蓋藏瀉山
大闡於父風洋屿高提於祖令王常侍擲下筆子幾蹉過於米胡
裴相公問及高僧獨推出於黃檗城中百万戶歸依未飽海上十
二峯時節到來俱胝一指頭道場重與此日臨濟三頓棒家法大
聳羣瞻願垂慈悲曲徇祈請

請正長老疏

不識李翱不是藥山和尚不遇韓愈不為大顛禪師姓名已播公
卿號今豈推衲子禪師兜率的嗣林際正宗拳頭与棒孰識其機春
梁与口都硬如鐵近放一隻聖箭直指三山道場既是披襟便宜
薦取莫教過眼却欠承當看半句之斬新使眾耳之聳聳

請戒長老疏

東坡

大士未嘗說法誰作金毛之聲衆生各自開堂何關石塔之事去
无作相住亦随缘長老戒公開不二門施无尽藏念西湖之久别
本是偶然爲東坡而少留无不可者一時作礼重聽白椎渡口船
回依舊云山之色秋來雨過一新鍾鼓之音

請通長老疏

精衣冠以命儒蓋儒之表認禪律以爲佛皆佛之粗本來清淨何
者爲律一切解脫寧復有禪而世之惑者儒佛相殊禪律相笑不
有正覺誰開衆迷成都通法師族本摺紳實西州之望業通詩礼
爲上國之光爰自幼齡綽有遠韻辭君親於方壯弃軒冕於垂成
自儒爲佛而未始業儒由律入禪而居常持律報恩寺水陸禪院
四衆之淵數三吳之會通願振法音以助道化所爲者大无事於
謙

請化長老疏

張正己

自无始來本无一物從有爲後豈有二門世尊与蝼蟻共胎兜率
与泥犁同境大處不容芥子小時也納須弥足踏手拈人人皆會
天覆地載處二有餘求直自失眼睛言竟已非吾隨諸佛何曾出
世六祖未曾說禪橋流水流空付作者幡動風動本試小兒藥王
但莫行醫維摩自然无病何者今日偶然道場推我化公漚發海
南云飄劍外既悟樵中之塵迴収衣上之珠棄宝沈江微笑推車居士
聚沙爲塔已付轉輪聖王投筮縱魚奏刀袖手南禪灯謝諸老眼
開未免赤脚入泥莫辞和衣涉水若逢木人問話聊与點頭或遇
獅子嘖呻直須下杖時不可失師无後來

請昕律師疏

陳了翁

竊以教示別圓隨機各異乘分大小攝心豈殊度喜遠遊捨軌範
而遭罨網波離奉律漸通達而證圓門束心必始於束身了性常
資於了相請遵羯磨爲講毗尼昕公律師信奉迦提轉持布薩說
南山嚴淨之戒以靈芝之高潔爲師宜因隨喜之衆情廣談放逸之
多咎庶起木义之利用生那埵之緣

請天遊禪師疏

孫仲益

大道真空不分禪律衆生妄見交構是非直須最上乘人與說第一
義諦豈必長連床上拊枕高眠何妨枯木岩前拈槌一出游公長
老名喧左蜀價重南州心鑑湛然機鋒剽直舊時籠蘊愛話无生
今日卧輪不妨對境惟茲小刹創立叢林雖把茅蓋頭未稱作家
之用而寸鐵入手要看軍令之行諒肯隨緣寧煩固避

住庵

請僧住墳庵霜露臺疏

汪彥章

風樹纏悲既抱終天之戚泉臺下吉道逢遠日之期念有緣皆自
於愛生欲解脫當求於佛力佳城增廣瑞像來臨若非除饑之男
誰作住山之計某人奮身名族投迹勝藍又從善知識遊常有大
因緣志輒透杖履來賁松楸香飯化成何須摩詰淨瓶踢倒贏得
搗山願持不退之心副我无窮之託

請了義住牛山庵疏

孫仲益

同產五十年爲昆弟孤賁二百里依佛依僧爰締弘因增崇善
果共推某人捨身得度住世隨緣拄杖經行松楸改色結跏宴坐
烏鵲來巢庶憑十力之慈大庇九泉之壤

請僧住黃林庵疏

種時松楸迨今五世追營香火何止百年評公已潛九泉之幽方
老爲續一灯之照凌空飛錫在處隨緣踞地磨磚不妨穩坐

請僧住龜潭庵疏

一丘黃壤永依龍象之尊百室青蓮普照松楸之上某人安心
得法隨處現身羯來給孤祇樹之園面僚達磨少林之壁栽花種
竹不妨宴坐觀空運水般柴自可優游卒歲

請堅老住庵疏

伏以天道无方曾何决擇宗風有自所在流通惟隆報小庵實家
山舊隱塢內桃花正發峯頭巖窩還敷不有高人孰成勝事伏惟
堅公禪老傳天風之正法住因勝之名藍緇素皈依天人跂仰志

輕榮勢心慕林泉敢分慧炬之輝光用燭冥途之昏暗三家村裏
揔是道場十字街頭未爲奇特何待拈槌豎拂方名接物利生宜
大振於慈風卽莊嚴於淨土存亡舍利泉石增輝况小道必有可
觀而當仁在所不讓良辰易失快便難逢豈茲懇誠无勞僞避

請朋老住西庵疏

一坏壠上蔽柏城拱木之陰衆香鉢中具桑門伊蒲之供肆崇善
利允屬當仁共推長老朋公徧住叢林久提祖印嘗據十字路把
斷要津今盖一把茅結跏穩坐雖云无住相寧戀三宿之桑真成
不動尊當面九年之壁

請僧住牛山庵疏

百年休歇四大本空一念歸依三生不昧某人追營香火升濟幽
明弘開十力之慈光賁九泉之室卽以緣而應佇看隻履之飛隨
所寓而安豈厭把茅之陋

請妙老住墳庵疏

蓋第一席容膝有餘良藥万金安心是法如公長老夙心不昧真
契自投於當來世有大緣故所遇作大佛事望松楸而拱矣方懷
風樹之悲聽瓦礫以熾然行見雨花之墮

開堂

請法王航公開堂疏

黃魯直

本色住山人皆授如來記居則枯木止水宴坐十方出則疾風震
雷驚動万物不擇喧寂作大因緣中夏所瞻崧高維嶽心不可得
少林開第一之花聖從何來破竈見本有之性從上諸祖莊嚴此
山彼大法王寶掘都會河潤千里惠林來福京師鶴鳴九臯天鉢
號稱真子共推天鉢長老航公悟有生鴆毒乘出世舟航吹布衲
之毛傍家行脚剡法堂之草選佛登科而又閑尺璧之陰退養衆
生之病宝花玉座共知不可覆藏糞掃堆頭重爲斬新拈出

請郭山霖老開堂疏

去聖悠遠邪法崢嶸當人伏藏正宗淡薄鉢囊掛壁衲被蒙頭

可爲癡種子歸依必遭明眼人識破郭山應霖禪師蘊天台之云
月飽南嶽林泉得翠岩悅一味之禪分大愚芝千灯之燄而枯木
冥坐草深法堂彼悅上人者把牛鼻繩能獅子吼唯升堂入室未
見其人今日請爲大衆發蒙亦與先師雪恥要當脚踏實地舌履
大千末山園中不負臨濟蓮花峰頂親見龍牙入泥入水爲人担
聚放開由己狸奴白牯盡教鼻孔遼天水鳥樹林湏腦門著地

請平老開堂疏

蘇叔黨

白云在天舒卷自我明鏡无垢妍醜現前所以去來千變卒之无
心酬酢万狀本來无物今天寧長老平公嗣真如法傳達麻衣李
道爲衆宗師出衆隨緣利益善名籍甚未許逃於空虛悲智兼修
正可行其願力重提祖令大振宗風作江海之慈航施山川之法
雨妙高峯上本爲一大因緣毗耶城中蓋自兩无言默鼓鍾一時
改觀瓦礫莫爲非人

請明教長老開堂疏

汪彦章

不離世諦諸佛刹二現前直指心源衆生人人說法然言下有可
傳之汎而古來无不續之灯不假當人孰提正令堂頭入毗盧境
界直臨濟兒孫土木形骸冰霜志操一言半偈久爲衲子傳來万
水千山行到江南及處朝音一振海衆端端正當象教一千年餘
大家說臘月三十日話信手拈來皆是臨機踢倒便行要使吳頭
楚尾之區坐增齋鼓粥魚之氣遇緣斯感无事於謙

請寶林長老開堂疏

秦少游

彌勒開門唯善財而能入毗盧丈室非摩詰以難居玉林禪院南
宋惟區東吳勝旣本惠休繡經之地實澄觀隸業之坊法水灣環
妙峯孤秀下奩玉盪涵日月於昏明傍穴金蚪化風雷於呼吸既
川原之秀錯仍丹而之鼎新飛閣浮堦就山爲勢方疏圓井因木
成姿即之而智慧生望之而塵勞破九重鷹塔現多宝之莊嚴万
石鯨鍾示觀音之方便允非開士難稱齊場大師雅稱亞箭素號
禪闋投虎峯而出家遇龍浮而得法祖師衣鉢昔因書壁而傳首

巫山林今以躍瓶而獲了无異議實有聖緣往開大揔持門以繼
鑠迦羅眼

請乾明長老開堂疏

竊以離塵求覓已乖調御之心即幻見真方契飲光之望聖因時
遠人与法差執空而取者依一精明任相而求者認四顛倒守癡
禪爲定力運乾惠爲悲光習以自欺久則難變既安邪解沉迷有
陋之因宜得正宗開示无方之力照慶上人洞該真際圓證法空
於旋流轉徙之途得妙湛揔持之力反閱二性體已徧於塵沙自
覺二他功未周於毫刹輒勤三請願繼一音說見在心作將來眼

請醴泉長老開堂疏

毛端宝刹曾何新故之常天下大禪安有去來之累惟古佛廟實
今醴泉自百年香火之餘殆一因風烟之際塔閣連環之玉骨殿
藏及錦之貝文然而飛鳥銜花空存勝景直珠撒帳未遇明師遠
軍旅之荐與獲法筵之初啓芳公長老少通教相晚悟宗乘密行
則鄉黨之所依歸妙法則天龍之所回向游方既久屹海茲深願
碎離腫之居亟返歸來之駕爲談不二以度无邊

請高郵長老開堂疏

捧頭取證尤爲瓦解冰消喝下承當未免龍頭蛇尾况乃不快漆
桶无化鐵鎚徒認影以迷頭但抱賊而叫屈豈知填溝塞壑无非
碧眼胡僧積獄堆山尽是黃面老子伏惟和尚脚根點地鼻孔撩
天真匠子之鈴鎚實作家之鑪鞴諸方奉唱要須十字縱橫大衆
證明但看一場敗闕

請高飛新老開堂疏

藕絲孔内既可追軍牛啼泓中何妨說法况此三家村裏亦是百
丈竿頭儻若當人自堪選佛今起南宗之規矩政資本色之鈴鎚
新公禪師出自梵嚴之叢林來佐天王之法席但知跛二挈二何
曾暖二妹二忽有悟於吹毛遂難藏於磴米今茲拈出分明對箭
當曾但看今行不是呼鷓作鳳喚迴癡種子接取明眼人坐令蟻

穴蜂房俱爲佛地何用龍宮玉食徒美人觀好振雷声仰祝堯筭
請天王真老開堂疏

鄧志宏

當年主席曾煩獨脚之夔今日傳衣可无三角之虎政賴作家之
手段來繼本色之鉗鎚再起祥光喚回勝景稱公禪老夙親文墨
每觀鼻孔之撩天壯了宗乘已齋脚根之點地掛眼金屑業已掃
之帖肉汗衫于今剝矣用勒三條之蔑來復一把之茹法窟頓呻
万籟俱息禪林蹴踏六台皆驚妙傳六祖之心永祝一人之筭請
陞猊座便振雷音

請長老開堂疏

孫仲益

得佛心印般若流餘大千在我門中辨才今爲第一而况發地藏
之衆宝鼓天雷之大声果有當人先傳師法共推礼清溪之坐
建隆之衣聚万種之云光烈一時之風雨釋梵衆聖扶成智
言王公大人驚動聰明之聽北方龍象未有前聞我等
歸依

請彭老開堂疏

陳了

竊以獨一无侶者古佛之心真俗不二者禪宗之旨唯信能
情可傳悟當擊竹之時誰能贊助笑在拈花已後自合流通少
遊寂默之場乃可任住持之事彭公長老法承淨渡汎出澄靈多
年廬草之遊一滴曹源之味逢茲勝刹宜順衆緣所開苟可以利
它後季亦資於善導云門一曲妙音不屬於宮商臨濟三関平地
豈分於彼此直演融通之句用調乖淨之風庶令佛日之光輝永
同蒼筤之長久

請太平興國長老開堂疏

天台選佛之境太平祝聖之場石鼓出万歲之声妙帝猶在金地
映千山之色宝燄常新用古人宴坐之談說今日忘言之事疑情
剝落正念流通若非密契於能仁何以顯揚於大法言不可默今
正是時際公長老爲達磨孫具圓照眼世緣苦樂融於熙笑之中
情境是非了彼往來之相不離藥華之坐大振海潮之音趙栢常

青普而禪庭之蔭曹源不斷永同天筭之延茲事甚明勿疑休問
請權老開堂疏

碧眼胡僧親留骨髓肉身菩薩袈裟風幡皆正法藏中機實廣長
舌下語伊欲再揚宗旨何期撞着作家莫惜當場与他勘破今權
師和尚夙探虎穴獨駕牛車可謂鎮海明珠堪任大乘法器自從
吸尽西江水只恐踏殺天下人譬一夫當衝能八面受敵好看抖
擻真獅子大吼一声從他驅逐野狐精疾走千里

請天寧深老開堂疏

陳了翁

竊以不說而說未爲究竟之談無門之門尤在離微之境若非真
實一句何以開示羣迷宜得當仁善揚茲事深公長老燈傳少室
派出靈巖嗣本覓之前音住天寧之勝利以一大事酬含生莫報
之恩於万斯年祝聖主无疆之壽堯天廣大佛日光明台内外之
勝緣讚延長之身運四衆之所咸賴一音可以普宣今正是時宜
陞此座

請應老開堂疏

天竺五葉花遍開中土曹溪一滴水普濟十方只從彈指之間自
可點頭而會今某人和尚六根已靜一念不生身似白云无山不
到心如皎月有水相容矧彼靈峯實推古刹不假尖新手段詎能
施展家風好開不二門示西來之祖意當以无量壽祝 南面之
至尊

請堂老開堂疏

此一大事切忌商量縱是作家如何持唱假使終身杜口漏泄已
多直饒半夜傳衣遮藏不得九年端坐剜肉作瘡一擊方知迷聲
認影未離音響終涉離微雖云寂二醒二未辨灑二落二迨於季
末轉見淆訛於實際中橫分禪律於一音內互說高低致令驕慢
之流以禪爲不而俾放逸之士謂律可除或言本自融通也是強
生節目不无方便可使流傳惟此法云巖素號淨刹地隨人發
宗風常墜於當年道与時興祖今忽新於今日縣宰有更張之術

使君懷外護之心呼吸之間天人改觀堂師長老衆推高行師与
安心派出韶陽香生云岫初如闖闖得宝便擬韜藏終爲緇素奔
趨不容辭避來登法座願震雷音的二因心誰悟少林消息真二垂首
請參真照兒孫別有一言異時分付

請鑑老開堂疏

曹溪一滴本自何來少室九年但明斯事直得拈花分付不如面
壁商量至於拏措相呈皆是事不獲已声前得指万里鄉關句後
明宗兩重公案无物可說一言靠倒維摩據實而言三頓賺殺林
濟放開一線作麼承當去此二途如何語會必有人中師子來登
此處道場自乾明變律爲禪得榮公爲衆演法二无異法人用當
人古鏡重磨一任猊來倪見高明有繼且見鳳生鳳兒鑑公長老
早入空門夙奉茲戒忽厭手字頓悟真宗誓言拏最上乘得見如
是事盖什方勝教及出云若拏一辦香皆生云岫副信士精勤之
請紹古人持唱之風更无可言請升一座

共一十九

方六十八

十二

請文老開堂疏

以言演法二不在於筌蹄即物明真二豈留於影跡直指本家面
目除非本分鈐鎚亘古不迁清風常在文公長老得宝印王眼爲
靈巖嫡孫處雪峯之道場衆推領袖還丹立之舊刹不露鋒銚今
逢出世因緣即合隨時演唱山如鷲嶺地有涌泉古師之舊迹猶
存上士之孤風可繼不離當處發千聖未傳之機永爲聖君祝万
壽无疆之慶請昇猊座一振雷音

請彦老開堂疏

邵公濟

士比退之許太顛之出世僧如惠遠招靈蓮以論交惟儒釋之本
同亦道德之相契願茲妙理宜有宿因惟我先公爲時前輩爰有
方外之士早從人間之游冠佩永秘於名山松檟近依於宝地念
師表嘗求於先友湏名德不愧於古人彦老禪師本无心遠傳
孔氏之道才真可用近閱登觀之風寺屬老僧當悉占於規戒占
亂有感雪涕无從果哀懇之獲伸庶宜福之可薦

請祥云院長老開堂疏

竊以大事因緣本世沒奈何時特出作家手段是人動不得處方
施惟茲齋場幾成魔宅若无伎倆安可承當恭惟堂頭長老禪師
龜峯夫馬駒靈石金獅子輝騰今古把定乾坤本是北斗藏身暫
問西乾出世放行嚴令振取頽綱三世聖人計較未成時頗能擔
負六代開士扶持不起處偏以交加纜下水方見長人既入劫須
防猛虎不啣啣漢乃帶水拖泥若伶利人則提危濟險况本來大
機大用肯隨例道不會不知百尺竿頭已曾進南泉之步十字關
市何妨卓德召之牌鼓舌搖唇呵佛罵祖若問文殊伏劍其意云
何肯使釋迦低頭出氣不得况有在頂一眼睥睨可把隨身七事
施張若見希奇便宜捲却祖席儻沒交涉定是掀倒繩床奉唱宗
風洪延睿筭一句作麼生道

請妙行禪師開堂疏

妙行精籃直湘江之要會慶公長老真曹洞之嫡孫人境相多因

緣有在不辭鬧處方見作家象骨峯前已是親曾受記虎頭城裏
何妨奉以向人幸吐潮音用扶灌祿

請中塔禪師開堂疏

眷茲中塔實乃上游謂何鍾鼓之坊化作兵戈之地不有發也何以
具為琅公禪師臨濟宗派能紹隆於佛種才不墜於家風灭烟之
餘允屬開荒手段龍天之會諦觀祝禱道場

請栖隱長老開堂疏

栖隱道場南華祖意有善知識為大宗師拈起三瓣香不是等閑
佛事放開一線路且看本分作家欲聽潮音願留金諾

重請慈云長老開堂疏

兵戈林裏脫身乃饑鷹爪下得免灰炆堆頭作屋斯列火燭中生
蓮須經魔難一場方見神通三昧智公長老臨濟嫡孫得密傳骨
髓於潞潭移正令鈴椎於贛渚老僧与鉢盂俱在依舊家風鬧市
將骨董自隨重開鋪席好將妙語永贊不圖

請普明長老開堂疏

芟芻林裏更无几根楊梅渡頭已登彼岸智公長老贛郡名流參
罷而接物應人禪餘而嘲風詠月點金於九轉火內華律為禪進
步於百尺竿頭逢場作戲好將佛語上替帝齡

請大觀長老開堂疏

種玉黃堂布金紺宇實古辟支佛之舊弟也機鋒活潑骨象稜層
真妙喜禪師之嫡孫也人景相高自是法緣際會基圖不拔更須
道力維持當以妙揚副茲公選

請空老開堂疏

水月万象居中是名蒼海風幡一句在後誰見道心某公禪師庭
栢傳家座貌增價莫問訶佛罵祖且觀奉拂拈槌應而不藏喜靈
山之有託言而當法祝睿筭以无疆

請太平長老開堂疏

桃源勝地奈死名豔叢席久虛輿情共倏詮公長老婺女高人提
正令之鉗鎚作諸方之領袖若許龍安山前借重便令獅子席上
生光不動干戈已見太平之氣象庶憑香火用扶有永之基圖

請崇寧長老開堂疏

五百歲而出君臣歌天保之詩千万人之心香火作華封之祝恭
惟 皇帝宇宙在其手日月合其明一日二日乃幾遠追神考三
千大千世界已在華胥已喧輿議之太平當習羣臣之嘉頌謂上
帝降年有永既百斯男碩吾君无得而稱推一曰壽廟堂歸美天
地歡声眷東武之奧區有西方之故刹昔為光聖蓋場周武之大
明今揭崇寧請誦召公之江漢去彼取此因時制宜闡浮提國中
悉皆歡喜兜率陞天上如是莊嚴出覩坐之太音聲讚天恩之不
思議无煩鼗鼓便有道場伏願 皇帝陛下推懷永圖自貽哲命
循大寰海四維无尽而无邊如須弥山万劫不蹇而不壞凡在潮
音之下皆歸壽域之中率時耆耄多所饒益

請圓老開堂疏

拄杖頭三千世界誰敢擔當經卷中百億塵沙如何駕說只教饒舌便放出頭此地見有朱砂何處更尋赤李共推某人首叢林之右選嗣佛日之正宗以一切為禪悅之門將三昧為遊戲之地飽嚼葛藤滋味慣使狗子機關無談樹上之禪語說空中之相傍家行脚把牛鼻繩象風裝帆作獅子吼念先師不可思議須尊宿明示去來拽出漩渦須教到岸布袋放下布袋等閑到處為家葫蘆自纏葫蘆夢今日逢場作戲拈出八万四千之公案重新三百六十之家風奉饒當面熱瞞忍得低頭冷笑既是作家手段自當圻障補籬那堪本色鉗鎚正好磨點鐵勿贈瞎平人眼孔莫乾折自己眉毛百尺竿頭不要忙三家市裏須還是高升猊座大震雷音

請普會長老開堂疏

奉花示道識者承當指栢明心達人究竟不離方寸即是如來執情見者千里山河了性空者一輪水月揚眉瞬目足顯宗風見色

六十八

一十五

求聲俱非聖解須假言詮之要方窮真諦之歸不有導師誰知奧旨普會和尚密授云門之印親傳洪濟之衣超最上乘得不二義立諸方之標準為末季之津梁正坐道場全提祖令一燈繼照放无尽之宝光五葉齊開成自然之妙果幸臨法會大震潮音願度羣迷毋辭廣說

請普會長老開堂疏

種二皆真元无差別塵二是道不假修為由來千聖不傳本无一法可說未超上悟須露玄機指庭栢以明心奉手花而示道欲開羣惑二假導師勝因會長老陽歧遠孫佛果嫡子高提祖印大闡家風開方便之多門向中有眼指莊嚴之淨土佛外无心幸振潮音來臨法席

講說

請照堂夏講疏

陳了翁

禪者調御之心教是能仁之語覓王心口動寂揔具於全身海印

疑流畢竟同歸於祕藏曹源一滴終无別水之波佛隴九旬但指
本輪之月言二皆藥法二无瘡要知手藏之文不離面壁之處毫
釐若契說默皆如苟違雙照之機詎明俱泯之相余設高坐以邀
上人照公長老善續祖燈嚴持教網住上均慧久散圭峯之舊徒
為物入郾嘗講彌迦之輪字金剛圓奩已侈傾聽之人資福宝城
同是精藍之地宜順可從之請勿違无作之緣

請明老說圓奩經疏

晷 无咎

修多羅教者如來本起因地正受住持大涅槃門妙莊嚴路十二
部經諸決定義十二菩薩所脩行因流出无量一切吉祥真如超
過恒沙十方文字譬諭若廣說二者千劫不尽若无說二者一句
不煩然而末世勤勞益遠正法衆生眼目必有導師和尚德性純
明道鋒孤挺具三次弟為一摠持固嘗振錫游心為證此事拈香
說悟已契古人於我此邦夙植善本願与慈闋普為宣揚夫性奩
圓通初无此觀彼觀因地漸次故有齊脩單脩欲今見閔不生差
別幸對人天之衆尚无金玉其音

請律師說圓奩疏

史 天秩

道在眼前誰能觀妙書形紙上可以悟疑不妨糟粕之傳自有筌
蹄之獲况遇琅函秘字金口妙音指如幻之六塵破有為之四相
五千餘卷攸歸一抄之微二十五輪進以分門之異雖名頓教亦
諭漸修諸佛所言是人願聽恭以某人辯才无得齊性有融志在
最上乘心存第一義久遊都會獨步教門須知說法度人不免歸
鄉酬業金風擁馬拍山寺以言旋玉塵開題散天花而作供勉從
鄉議用報佛恩

請長老講經疏

張 正己

一性圓明能照尽无法界有生之類与我同得去真即塵於性遂
遠壁之貧人懷无價宝日在其身不知自覓求乞於市以得為喜
迷是相者不知宝故人有宝山知山有宝若能得宝其價无量終
身搜山久无所得力窮心怠疑山无宝偶得千金和山售宝迷是

相者不見宝故使人得宝日生千金自信无疑世必无金可易其
宝然世有得宝自以爲真韞櫝而藏卒世不能移其所愛有真識
者指其所非試之宝市衆識皆笑此名見宝而實不見宝妄見非
性亦復如是乃知起信必導人以見性然性因疑生自見分別我初
无疑信亦何有疑信既滅性本如二若夫起信本爲疑設而疑
者自疑以信爲有今吾鄉智師以是因緣爲衆起信師乎吾非不
汝之不見性也

請慧通炬閣梨講法華經

葛謙白

一宿明心固須直截九旬談妙也要周遮宏演真文允屬開士炬
師閣梨禅律俱貫權實互融了三止三觀之詮淨六根六塵之障
傳衣佛隴夙承銀地之宗風秉拂仙潭曾露金容之秘記佇臨鹿
苑等与牛車不憂緇侶之驚疑行見天花之亂墜

聖宋名賢五百家播芳大全文粹卷第六十八

聖宋名賢五百家播芳大全文粹卷六十九
疏

講經 酒榜 茶榜 修造

請覺老說金剛經

晁 无咎

六百卷義總般若以題籤四大部中以金剛為教髓如是住如是降伏法固已傳若以色若以音聲佛不可見所以德山受具而精究曹谿採薪而聳聞蓋達心則四句無餘故上根以一門超出和尚離我我所得玄玄機故知筏喻本空然欲濟者盈於涯溪夢觀不實而卧鼾者喧於牀帷况此小邦魔彊法弱頼覩若士雲開日明庶幾興行從此紹續普達廢見梁武帝則不立文字而天女告舍利佛以無離語言師今對經所說何法我不取相亦無是經願諸見聞同一解脫如病得汗如鳥出籠

請律師講蘭盆經

人自無始至於今生所歷生劫過於沙河無生不始於父母劬勞之恩每如四大海水而人生一世恍惚如電有得百年以盡報養其於海水僅為涓涓何况世間事違人心或襁褓而隔生死或老耄而勢南北或欲養而時不待或待養而力不繼以一生難報之恩積無窮之恨則人之所負其親蓋以多矣世之人以能備棺槨衣衾奉親之遺形以就土為足矣而不念遺形之外魂魄所遊有不適其安者遂忘所以導其安嗚呼其追報之恩亦不廣矣且以目連親遇出世之佛以身證六通而母不離於惡趣雖佛之慈悲有不能救設孟蘭法以假眾威力然後解脫况以凡力欲為父母滅罪延福區區一身能自致乎今夾江哀子楊某欲為過去所親倡集鄉黨信法善士敬請通義某僧於中元眾僧自恣之日講盆經一會以追薦其遊魂凡有父母心者莫不皆喜捨集會伏惟某僧覺大乘無邊方便推天性自根慈孝為法眾振錫一臨甚幸

請小參

超昇三昧演暢一音自是跳上祖師更欲推倒大佛低心徇俗出



手爲人瓦竹相敲萬古無聞獅子吼風幡不動一時驚破野狐禪
大逞神通定須奇特諸人諦聽着意隨緣

興化寺請直公修造

有爲雖幻是惟聖證之因興事其時信有異人之至直公大師行
成于律法得於心志如金石之堅施有龍天之助勉從勤請後發
願心

請致道道正住持酒榜

程子山

王元功作五斗先生傳大誇物外之高蹤杜子美作八仙飲酒歌
盛說酒中之佳趣蓋絕塵離俗之士多飛觴舉白之人憑美酌以
養生藉醇醪而去病聞中山之酒千日孰不流涎傳南都之醪十
旬皆相慕義酒之德至矣酒之用大矣投於江以破勾踐之軍喫
爲兩以救成都之火其在導氣養形之類尤喜絕纓側弁而來爲
世外之逍遙遊唱天上之步虛曲事屬高道理絕當人共惟致道
道正先生祿謝萬鍾味思九醞斟酌飽滿而於性自得獻酢交錯

一

二

而於禮無違一斗百篇喜謫仙之任筆三行百拜笑吾教之煩文
頽玉山而屢接高標解金貂而常逢貴客溢不鄙宜城之竹葉濁
不嫌南國之榴花蘇東坡昔日之松醪常供痛飲阮步兵公厨之綠
醪曾發醜顏欲坐而文舉之罇不空求對而周觀之量難敵今也火雲
盛熾玉露將零聞袁紹河朔之游思陪邂逅說山公高陽之會亦
欲臨池鶴馭未行金壘已到家道之生涯澹泊沉酒而不至破家
山觀之氣味清虛荒耽而無憂敗度况坐有神仙之客門無糝雜
之賓吐丙吉之車中貴人不怒卧畢卓之甕下酒家無餒且同濟
濟之人共適陶陶之性後會難再高風莫攀雲馭他年集衆真
於碧落霓旌異日講盛宴於蓬萊事未可知茲不復道

請知觀酒榜

駭冷借馭初來物外之旌幢遠館開筵盛集壺中之簪舄振玄風
於柱下續墜緒於陽平宜偕巽雨之流共作乘虹之飲共惟住持
先生久諳正味獨挹真醇混醒醉於兩忘齊聖賢於一致品逢石

髓恥為玉列之和道遇瓊漿懶事雲英之役芬馨既露光彩難藏
遂縻香火之緣俯就宮壇之職幸仙人之居紫府須從事之到青
州無忘伯雜之清惟慮小槽之竭星旗正耀天幕方開何勞膾玉
脯麟自是餐芒飫水藉今日稽顙之會結他時茅杵之遊振領提
綱諒笑談而可畢操卮挈榼非倒戴以何辭佇徇羣情同為至樂

請然老茶榜

歸宗竒恠沒意頭將銚子踢翻籠老彘提甚色鼻把托兒拈起門
庭雖峻風味不殊所以趙州勘辨諸方是贏家先賴佛日養瞞大
眾緣忍俊不禁湏知今日作家抹盡古人公案然公長老鎗旗屢
試聲價素高古佛場中摘靈苗異草無影樹下酌古澗寒泉搖撼
破甌肯作夾山伎倆森羅万象笑他投子顛預不知兩腋已風生
只道餘人無分喫洗盡殘羹餽飯還他正焙靈芽手提雪竇留單
破鐺點出慈覺當時法乳甘生齒頰香透頂門妙哉一口吸西江
信矣幾个知天曉雪山種底莫作尋常一樣看雲板響時拈出平
生三昧手

方六十五

三

請明老茶榜

孫仲益

謂茶為苦以蜜說甜同在一塵孰知正味明公長老以廣長舌說
第一義以清淨眼證不二門應感而現法身隨緣而作佛事眾狙
進果百鳥街花鳴兩耳之松風倒一甌之茗雪三竿紅日上正熟
睡時兩腋清風生不妨仙去

請九頂長老茶榜

馮當可

草木有耳亦聽新雷之聲雨露無心助發先春之味直信溪山有
異便知香氣不同宜向法筵特伸妙供新禽禪師不尋枝葉便見
本根駢耕奪飢雖自最初下種碎身粉骨却於未後酬恩最宜活
火裏烹來不見死中水浸却昔日徑山門下打破封題如今大像
山前放行消息只要未舉托時會取莫於擬開口處商量與衣冠
士庶結清淨緣為天龍鬼神滌塵勞想舌頭知味大千界同苦同
甘腋下生風一切人澈皮澈髓湯瓶舉處大眾和南

請廣孝長老茶榜

李彥和

未出氣胎鎗旗已露纜經劫火牙孽猶存發生於五蘊山頭擢秀
向妙峯頂上遠離塵中夢想驚回天下魔軍若能信手拈來方知
下口去處某師宿植德本固養靈根廣私自心由悉下菩提種
子定水養成新氣味慈風扇出舊根莖舉起須彌碾來不破倒傾
溟渤點盡還餘飄然兩腋清風普現千江皓月鼈斷拈起大地震
搖托子放時諸佛滅度可使枯腸無物不教病眼生花何須居士
屢擊一杯自足不是趙州解飲半滴難消若逢無舌道人試辨味
從何出

請普老茶榜

劉忠遠

彭八拉笊擊動關南鼓離羅來也唱起德山歌明明撥開甘露門
一一拍出黃金樹仰山摘去香巖點來龐公舉起托子時歸宗打
破鉢兒處雖然直下是不用那邊來試問叢林作何滋味普公一
句活泉不消老婆運神通說甚童子呈知解第一坵彌
勒大像第二坵普賢上人第三坵尊者諾詎羅只這一坵什麼人
合喫森羅万象即不問轉身通氣作麼生鎮州蘿蔔大於瓜雲門
胡餅甜似蜜三千卷文字料掉沒交涉三十年鹽醋界竟說與道
更有一句子蓬庵今日不惜眉毛特為拈出菩薩子喫茶去

請監老茶榜

鄭厚

凍解靈源光浮巾錫春歸陽谷暖龍簾惟鶴駕生風眷門迎之茶
苦蠟餅翻乳獻郊勞之芹誠懇像如臨哀號增感已掃先人之弊
館恭安聖者之眸容載仰慈悲俯從戾止

請崑老茶榜

馮當可

天施地生九萬物與我一體星駭電掃為大衆拈出一竒瓶兒取
竭西江碾子轆破南岳不少不剩半苦半甘自非老作家應無下
口處欲將一滴洗滌乾坤不待重嘗已無佛祖照公禪師法幢擎
建正令全提舉山河大地以更新盡天龍鬼神而感集真使點頭
燕唾何必豎佛拈花有舌隨身各人一坵若色若香若味直下承

當是貪是嗔是癡立時清淨雖然如此揔是相謾下咽即休伏惟珍重

請珪禪師茶榜

趙子然

巾山氣淺得地未高鄰水寒多占春不蚤然拈着後草根木葉便是醍醐而使錯時龍餅鳳團等爲塵土請焚舊譜爲獻新牙某師小里驚雷枯枝灑雨秀發自符於天性清香難掩於人知百物裏靈苗三昧中至味粉身碎骨磨石底透命出來雪乳浮華滾湯中爲君點過殷勤一啜覺悟群迷別有功勞它時叙述

請祥公茶榜

邵公濟

如西山之靈草久已馳名必東坡之鄉人方能知味特持絕品遠飼勝流伏惟祥公上人雖傳洛浦之衣不挂一縷未取香積之飯已飽萬人愴能仁龍象之故家亂不道狐狸之衆穴爲老子而強起與善類而有因大掌重現寶拳廣殿如按神足若遙記之垂契當門宇之再興初亦無心孰云有力宿推先覺故已除於睡蛇大破群昏尚何分於夢蝶

請清老茶榜

鄭厚

靈源破臆起寒氣於巾瓶佛嶺將春動晴光於幄帶兔甌浮雪郊勞有儀鶴駕生風空門無際旣將迎而蕭若宜碩茗之恍然虔掃弊廬祇安聖像輜駟俯眷蓬華生輝

請詮公茶榜

巢時甫

泥牛耕空寶山布種窮盡大千界祇這靈芽試遍第一泉無此至味舌根知處勝於乳酪醍醐玉塵飛時碾出山河大地汲取八功德水瓶中已作蒼蠅聲戰退四天下魔枕上詎成胡蝶夢要知下口處須是寶頭人惟詮公禪師云何住心是名說法便使千齋日赴也要兩腋風生大衆千齋日赴即莫問兩腋風生事還會麼幾入鷲峰雲自碧重遊鹿苑日何長謝師訪臨已後爲人不得錯舉

請平老茶榜

史唐叟

方靈芽未動時盡大地無尋處爭奈而今碾破不嫌與衆分甘須

憑世外通人爲辨箇中真味恭惟慶公禪師根苗特異風味不九
迫超百草頭邊獨秀孤峯頂上明招銚子直與踢翻則老籃兒已
會拋下上窮諸佛下盡群生如今揔與一甌普同甘露從此不妨
兩腋各起清風

請陸老茶榜

邵公濟

毀茶有陸居士不謂知言沽酒如遠法師也是破戒堂頭和尚寢
己不夢睡亦無魔大曉群昏獨爲先覺以至地產靈草過如天雨
寶花往薦法筵特敷妙供苦言有味旣堅一至之心明眼在勞好
試三昧之手

請珏老茶榜

前人

閩越溪邊苗裔浸廣蒸蒙山下香味不同欲增重於法筵宜特敷
於妙供珏公長老已無心於夢蝶亦久除於睡蛇廣說中邊之甜
深憫輪回之苦更試曹溪一滴水共盡盧仝七碗茶是襄陽居士
摘來教趙州和尚喫去一語雷音已罷四衆雲集交歡

請然公湯榜

六十九

六

瞿曇說蜜味中邊誠爲至論政公將橘皮孰炙勿訝太清雖然飲
啜不多蓋是叢林盛禮然公長老住十大刹說五味禪甘露入心
不落鑿家窠曰醍醐灌頂能除病者膏肓一瓶盛四大神州何曾
欠少一口吞三世諸佛不見蹤由味之者有舌無皮知之者點頭
嚙唾若有唇乾吻燥一切群迷欲教瓦解冰銷與渠半呷

請昭老湯榜

鄭汝明

孰炙橘皮本色道家風冷淡濃煎鸞粟無言烹菓子三味精通何
如細辛薑桂而和合衆香更以酥酪醍醐而攪成一味稀稠得取
中邊皆甜亦能殺人活人莫問有毒無毒共惟人人舌端具眼肘
後有方從來冷暖自知直是涓滴不漏解空巖畔以明無說無聞
普濟堂前便好應時應節幸從三請聊薦一澆曾中丘壑道腴壯
物外煙霞秀色現前法侶同賜寵臨

請鑒老湯榜

洞庭秋晚黃金橘飽夜來霜南國春濃綠樹梅肥江上雨不推熱
炙猶可調羹都歸本分品題要在當人斟酌各飛上國道冠諸方
學者師模人天眼目叢林自知氣味草木亦仰風聲橫揮舌本瀾
翻笑殺行家苦澁鑑湖夢冷從教萬壑爭流螺渚興濃且看三山
繞郭既勤三請聊具一盃仰冀衆慈同垂老伴

請浴榜

雷鼓初鳴雲徒畢集卸下青州衫子露出赤肉真人會得通身流
汗時便是當人離垢日聖凡無礙歡喜結緣淨一毛頭超八功德
勸緣疏 修造 資聖寺大殿疏 孫仲益

七十年中住世寶只是閑看千萬佛所種善根惟有一施應觀法
界一切世間凡此現前諸相具足之身皆是夙植三生菩提之種
盍增崇於妙果用弘益於當來歌利王割支躄斷若虛空交丘人
賤金玉視諸涕唾願積太山一線之溜用合浮圖百尺之尖睹此
勝緣故應喜施

方六十九

七

平江報恩大殿疏

善有根封植則生福有田投種則獲恭惟三世佛亦號兩足尊俾
衆比丘開萬善之門為大長者集諸福之地爰因廢刹重建道場
檀施一開龍天咸會生生世世為善知識共修無上之緣子子孫
孫現宰官身更結未來之果

能仁寺釋迦殿疏

黃持

淨域祇園為衆生之福地梵宮紺殿設諸佛之眸容顧此殊常誠
為勝利彌經歲月浸毀楹栢欲踵事以增修遂因心而感發輒陳
丹懇上白仁人願搗金玉之藏一新寶刹當對香火之供永祝壽
齡請諦妙緣幸垂芳字

修定香院疏

汪彥章

童子聚少為塔道師因險作城雖非真實示世間尚謂莊嚴成佛
事矧茲古刹建自唐朝俯百家樵牧之區控千里舳舻之會山明
水秀勝迹宛然兩仆泉傾舊臺無幾仰賴大富長者垂憫百年道

塲一新鐘梵之音再振江湖之上同修勝事各起信心庶慈悲喜捨之緣成廣天無邊之福

修香林院

唐子西

昔者香林親得雲門三昧傳之北塔挺生靈寶一枝子子孫孫在在處處正眼周於法界真身葬於寺中隻履具存莫記星霜之變精廬浸弊率皆風雨之餘文演道人愍此就荒勇於必葺欲使當來末學識前人魚鼓之音豈惟過去祖師存後世箕裘之業異集無邊之福上資有永之年當賴十方共成此段

成都中和六祖院

黃魯直

鐘魚鼓板凝禪盡飽而六祖飢臥具床敷濁禪盡温而六祖冷使道人如此失所則檀越何處用心敢為諸仁略開少分相逢展手不妨貧女一錢隨喜轉頭報在龍華三會

脩寶城院

布金之地聚寶為城示佛境於群生祝堯齡之萬壽法流不斷涌華構而長新財施無邊因悉檀而益富觀茲善利誰不樂聞宜推寶鬘之捨心永作丹丘之勝事

興造教院

脩具足相惟有莊嚴滅貪癡罪惟有布施共推大檀越皆兩足受報之身更發菩提心為三生種福之地供毗耶城香積之鉢轉光明藏具葉之文開大旃檀林建寶蓮華坐娑婆世界內捨不貪不吝之財堅牢庫藏中聚無量無邊之福

修玉皇殿

鴻名肇正方瞻玉冊之盛儀真像具存宜闡銀塘之寶剝領體朝廷之意共輸巨子之忠苟上格於帝心必俯從於人欲凡我信士作此大緣

修造資福院

百年叢席棟宇荒蕪一旦山門經營修葺土木之費甚衆巾盂之積難充在昔布金剏新者尚逢有力豈今合國脩葺者乃謂無人

但試拈開而前必定感從心下隨多隨少共結勝緣旋得旋收但
充本用尅期以復指日落成果三空之居莊嚴有自則一鉢所施
福報无疑

再建勝相院

邵公濟

大地山林初驚福火淨坊樓觀俄變劫灰蓋金山開士之所宜居
豈祝融回祿乃敢輒取當有定數決非偶然舊得中和之名獨壓
大慈之勝碑板照於四裔畫必妙乎一時尺為瓦礫之區不辨鍾
磬之地艱勤尚於於月祖勇發再見於雲孫弔華屋以興悲指大
江而為誓再思起廢營募有緣悵佳頭爛額以无功雖鄺手爾竟
而不避况此仁祠之興發實為會符之盛衰在善士自宜動心雖
大豪亦當出力行見朱甍之翬動重瞻碧瓦以鱗差非特為當代
之偉觀當共結他生之妙果

修吉祥院

石敏若

雲夢澤藻井會不忠議之莊嚴齋鼓粥魚會向僧祇之供養賴眾生
七宝布施作如來大事因緣惟吉祥禪坊乃永和故刹七百歲號
駟怨鶴翠竹淒涼十八年洗鉢鳴鐘白雲去住惟大宝藏供无量
僧雖日給此而免憂當感計之而不足亦嘗負囊裹乞米散綵哀錢
朝告實而暮空左欲支而右敗故風楹雨壁未啟雄名使煙水雲
山長有餘恨退思長策乃得良籌到東成西作之儲飾南去北來
之衆使平日法輪得利為窳堵波使他時佛宗驚為人如天竺回昔
焉未暇今也其時自我決心招千人之因地為君出力種諸佛之
善根此諸勝緣當歡喜施

修萬菩薩院

童子聚沙已傳佛印祖師立雪僅得法衣蓋修行之力甚難而莊
嚴之功為大惟梅山之淨界本蓮社之上游日月既迁風雨不在
昔自聖迹之委地時見祥光之燭天神物護持父老歎息事非偶
爾時有待然除荆棘以迂狐狸起屋壁而安龍象以万菩薩之威
力与大檀越之信心將見落成可保經久故託无邊之會用結未

來之因常共歸依永無間斷願起慈悲之念同為清涼之遊

建開利寺三門疏

孫仲益

六觀如星莫保百年見在之身十力無邊當種三生未來之福眷
茲蘭若龍象所栖適踞通津戎馬荐至迄今起發允屬當仁百堵
嗣與千金樂施善根堅固佛果圓成了此一大因緣且受無量福
德

建普利寺三門疏

布黃金為待道之場踞青蓮作說法之座况諸菩薩現身之地亦
大檀那種福之田一刹方興重門未立盡資具足布施共結一大
因緣助發善根增崇勝果及今住世莊嚴佛土稱梵世之宮必定
當來圓滿報身現宰官之相

脩五百羅漢洞疏

晁无咎

聯青蓮自付法藏以默傳結白疊巾指心源而直授爰有迦葉首
悟慶喜先聞夙昔大業已超无等假修小果欲接下根故十二大

五八五

方六十六

十

菩薩之所摠持与五百阿羅漢之所證入波不離水水即是波此
皆為一因緣酥乳流出雖復說三次第羊鹿亦无知性空則法空
如我說為佛說諸秘文之略出眾聖號之具存肅恭僧儀烜赫靈
跡或經行四世界或宴坐一嵌岩受請天宮應供海殿擲錫投去
投盃渡來龍虎伏馴仙鬼陪隸少别万里暫休十年亦有混跡和
光入墨化俗游戲自在变化无常近者淮泗塔中袖藏遠施天台
橋上茗結餘花不違本心示常住世觀面不識有緣則逢永吉是
用運廣人心慕清信侶建長簷及深院闕異相与奇容平地起山
九境成聖大千无有尽我願不可窮亦使見聞同生歡喜讚佛一
偈施佛一錢在經有云獲福无量

大聖寺鐘樓疏

趙莊叔

自紺宇更新井邑氣象粗具足願鍾虛弗作昏曉不謹道俗以為
慊里人段玠禱於佛前願以身任責鳩工斲金一鑄而就將作樓
以居之父老同語歡喜鼓舞爭出財力共成勝事玠二復來請乞

論衆為書始未宜示芳題

福昌院修水光塔疏

勢臨紺宇地接紫霄有大窳堵坡是直菩提樹後焰續前焰端餘水面之光輝此時勝彼時要煥雲頭之丹碧肆動祇園之新喜用宏唐室之舊音棲不壞之身非偶然者成無縫之塔豈小補哉九同香火之緣何惜毫釐之費

虎丘寺脩御書閣疏

孫仲益

曾立勝地龍象之衆高栢藏室寶儲奎壁之光下照長廊千步高閣三成風雨震搖日星穿漏眷吳門之奧境寶淞水之長游欲仗衆緣共作佛事山川炳煥復見龜圖出河洛之中楹桶穹崇共看龍華照入天之上

脩金沙寺寢堂疏

鴻盤舊隱菴叢林甚高僧振錫之初寶長者布金之地龍天擁衛可續千燈風雨振凌遂空四壁仰勤檀施共締崇因敢言問疾於毗耶丈室之中庶幾容膝於彭澤南窻之下

建開利寺水陸堂疏

衆生造惡惡業墮阿鼻獄甚苦諸示大慈愍開甘露門推三車救火宅之焚沒一椽援苦海之溺爰因勝地重建道場共惟大檀那曾受古佛記了知今世諸相具足富貴之身端是前生百寶莊嚴佛土之報更修無上道以結未來因

東禪院脩僧堂疏

陳德仁

東禪寶刹西廡荒榛經營十年幸棟梁之僅足寂寞四衆尚風雨之未除必得人豪用貝佛果發無窮之積其與幾何來有報之祥斯言不苟

延恩院經藏疏

陳了翁

造車而欲行要湏合轍求兔而未得安可忘蹄解脫在文字之中音聞乃直教之體金臺所寫薩耨推骨而願求海藏雖深龍樹沒頂而能入流通不斷結集如新鋪舒今散於千函卷攝真歸於一

藏惣斯慧利普勸轉拈華構非一木而成妙輪依多輻而轉規模
既定成辦可期願因和合之緣廣作津梁之果

建太平寺戒壇疏

孫仲益

薄拘羅尊者捨一訶梨勒得無病報身維摩詰居士分二珠瓔珞
為具足法施無多貧寡隨力助緣將軍捐兩困何其多貧女施一錢
夫豈少睹茲妙果共結良因

開利寺經藏疏

欲除空幻當付八還永斷貪嗔莫如一捨自非龍華會世世受當
來之記曾於菩提種生生有宿植之根孰締鴻因遂發無上但乘
應捨之筏自分無盡之燈

華嚴輪藏疏

一乘法輪三身普現十蓮華藏九會同音故諸佛開大方廣門為
眾生滅貪嗔癡罪四十九年如來說法五十二位菩薩現前善利
弘開妙音演暢益資眾善普證大緣由進篋以成山積盈科而至
海不住心不退不轉無量福無數無邊九我華嚴界中共證然燈
佛所

福昌修藏疏

侯彥周

葉書東傳花藏西峙恃法輪之常轉展覺海之並流棟梁僅存編
袞何在作大功德要完八面之規模是上因緣宜聚十方之玉帛
九歸我佛圓是道樞秘五十卷之英華悟空有自來一百里之歸
嚮獲福無邊儻念琅函幸開金諾

聖宋名賢五百家播芳大全文粹卷第六十九

